

光山金氏族譜序

我姓五派之譜繼丁卯大譜而修之者三而最後丁巳之刊至今四十餘年尙未之續修者以有各派私修之類々也方是之營而全譜則一派不與焉蓋化平君是忠肅公之孽子其生先於嫡初不下孽字而書于嫡後蓋其秉筆之義有些未盡善也今其後孫迨此無嚴之世挾其無嚴之私黜嫡陟孽赴良簡公派京譜所贅爲其譜而白絕於吾四派則其情戚矣五派之不得爲合譜則此心缺矣雖然於先祖嫡孽之分不可不嚴而今設四派大譜役於黃龍邀月亭刻々做去而上系之與舊譜有殊者從忠貞文肅二先祖之誌也記先祖收疎族爲第一義而不注筆法之嚴者以時世人情之不古也嗚呼光山氏之佛臺山與麗氏之松嶽并運生德魚水契合而至於文忠二公則臣道尤畢備以負具瞻之望而今其塚宅囿於異域瞻拜無由芬苾未奠則惟可以譜萬

光山金氏恭諱卷之一

斯子孫而視若一家之親者庶幾爲尙德重本之義也歟役將訖余亦
相役置一言于卷首以勵夫并世同刊之諸君子云爾己亥 月

日後孫廣鎬序

光山金氏文肅公派大譜序

譜有義例三焉合一姓而爲全譜一也一姓之中各因中世所分之派而以其族爲譜一也一派之流分而爲衆小派派各以其近屬而合之一也我姓之爲全譜屢矣其爲派譜亦屢矣而總我文肅公一大派而爲之則僅止再焉己酉丁巳二譜是也全譜之役浩繁而難成衆小派之各收其族簡易易舉其合衆小派而爲一大派之譜則不甚繁亦不甚簡然旣自衆小派而各自編成則亦不必更有事於此焉抑我文肅一派其爲今日之役職有不可已與不得已之故焉近日京中有設爲全譜之役者變亂條例顛倒倫序爲我金氏有譜以來未始有之大變蓋文肅公之長子爲忠肅公忠肅公有五子皆爲達官名人而其家嗣則三司左使諱承嗣是也自瑞石譜以來三司公巍然爲五子之首而化平君石堅

中改爲承石

居第四子之列非惟吾宗通國亦皆知之矣但攷

忠肅公墓誌則以化平爲長嗣而麗史則稱石堅爲孽子其墓誌乃化平所自以私意得之者也故敢以庶孽濫稱長嗣而麗史則史氏之公筆有不可得以掩蔽者譜例固當以庶子二字加化平君之上而爲國俗賤庶又事在麗代不忍暴白其事故舊譜只處衆子之列意者化平派之子孫以死哀懇而爲此者也迺歲月既久彼家後出不復攷事理徵史策而欲依墓誌躋化平於長嗣之位爲京譜者亦不知有舉宗之公議麗史之信筆而徑以其言爲可濫以孽子躋嫡嗣之上夫庶子雖年長不得居第一位此有譜通規也苟欲居之加一庶字以別之可也槩想忠肅公之在當日位至鄉相身總軍國之重其諸子最年長者應受蔭仕如漢之任子法而化平以年長故當之乃於身後文字又敢以此例之其蔑禮甚矣而其後人亦復輕遽妄率而爲此雖得爲此麗史舊譜煌々自在徒見其不知量也人雖得以信之竊獨念京譜之行覽

之者必將惑焉而不知所定且或世代之浸遠而彼輩執此爲據則慮起爭端不可以但已也乃旣以書遍告城中諸宗又合侍中公以下四派而爲一派之全譜蓋於事初務以事理論彼未嘗不丁寧惻怛以盡吾之誠意而彼顧執迷不悟噫自忠肅公而視之皆一家子孫耳一家而乖裂至此寧不爲之寒心哉雖然彼我之保合已無望矣不得不斷以大義明以實事以俟彼之有以賢子孫出而有悔改於他日此今日吾譜所以修也又有一焉往己卯年間我姓之大譜續舊而編而以上世誌石之出世系_々次容有與舊譜異者遂皆據誌爲信而改譜之謬此固善矣而其間亦有義例註說之不能無差者今悉一切釐正之吾宗之爲譜者或有取焉則幸矣是役也始自丁酉春而以己亥冬成之諸宗之賢勞者多不能記特詳其今者別爲一大派之譜之厥有故在而非止於一時收族之義冀今與後之論世辨系者於此徵焉鋪植幼

光山金氏族譜卷之一

駸不省事不敢爲役於是譜而譜宗以自我世父沒曠嗣數十年今鏞
植稍長始得承宗爲世父嗣此其於宗系之辨譜編之體不容無一言
衆屬爲叙其始末庸敢識所感如右云

己亥冬十一月庚午文肅公二十五世嗣孫鏞植謹書

舊譜序

惟我金氏族譜宗人之居嶺南者暨我出郡守宋熙業氏并有所編纂而閱歷年歲既久支派之日滋衍者未之續編闕漏放失殆不可放余爲是懼就兩譜是正差謬增修其未續編者而其夾註事實之或備或略同宗外裔之別也尤詳本派譜自我作故也外裔雖至十百世皆爲我出而聞見精力之有不能周及而遍舉也則無寧約而精也而兩譜三世之限又無所執據故今從喪服所暨限以女子之子此吾新譜凡例也古人之纂譜牒莫不以敦親睦廣仁恩爲務今吾宗人所當勉焉者亦惟在斯而余於是尤有所深感焉昔方遜志希直纂次宗儀以詒其宗人歷稱其曾大父西洲府君之純厚懃大先君太守貞惠公之廉介方正以爲後孫之準則其言勤摯懇到有足以感發人心者洪惟我金氏世種德襲美若始祖王子之先幾高蹈保身貽後固不可尙已厥

若來或以文章節義或以事業勳閥赫寫無替而至于我曾大父文元公及歐嗣文敬公以道學經術爲世宗師及門之士有能稱述而闡揚者矣小子何敢容喙焉噫凡我後孫簪組襟紳不論胥爲輿僮者何莫非祖先覆露庇壽之餘也惟當啓居食息無忌我祖先矧斯譜也祖先之名諱稱號暨厥生卒爵位開卷在目爲後孫者其可不瞻對興懷思所以無忝我祖先也哉若或持身不遜悌執事不恪勤安於傲肆狃於卑汚不免乎僇人賤行則貽辱祖先也大矣詩曰無忝爾祖聿修厥德余於世譜之成重以是自勗焉 歲丁巳仲秋後孫萬基謹書

己酉譜序

雞林古蹟蒼々乎日月屢更每過金城月城之墟只令人有滄桑之感羅王三十八麗相十二世二千年史氏之傳詳而盡之父而子々而孫孫而又孫近爲族遠爲宗駸々然秦人越人古君子譜其親合而一之

者其義深且遠矣昔我瑞石竹泉諸公懼夫愈久而愈失其傳哀取各家々乘編爲光山金氏譜其規例簡而密博而精可謂俟百世而不惑嗚呼其盛矣哉統而論之王子公子孫無人則己有人則人皆賢俊夫何深仁厚澤閱百恟而不替也夫所謂王侯將相銀臺玉署道學文章忠孝節義即我家傳玉殯冰蠹無一點瑕累歷三朝勳業輝映汗青與東國同終始者惟我金而已中世丁卯壬寅之牒非不詳密而猶有未盡之况庚寅之刊宗派見漏以此爲諸宗之深慨己酉春復設譜役於甲山僧舍甚盛事也大同之譜復難收合自文忠二祖雲仍之散居京鄉者予々來相三年功告成校正用光城君嚴凡例因蠹南公舊蓋緣其論議牴牾證引荒迷不退而自退者夫誰恨尤

辛亥暮春 文肅公十八世孫照謹序

光山金氏族譜卷之一

祖始
金興光 軾

新羅王子知宗國
將亂遜于光州西
一洞光山之金自
此始子孫多出平
章故後人稱平章
洞○後孫鎮商撰
遺墟碑文會豐撰
銘

信

三重大匡功臣司
空以奇偉之策佐
麗太祖遂成王業
○舊譜信作吉今
依忠貞公墓誌作
信

軾

角干○忠貞公義
元墓誌云自信已
上舊俗無譜皆失
其久但舊譜及光
山題詠詩序載公
諱明白故依舊譜
載之自司空公信
起頭以存傳疑之
義

子峻

左僕射平章事○
舊譜峻作順今依
忠貞公墓誌作峻

子策

左僕射平章事諡
文貞光宗十五年
甲子二月登至上
御天德殿賜宴特
開儀鳳門扶鞍而
出

子廷俊

守司徒門下侍郎
平章事靖宗文宗
朝知貢舉○舊譜
廷俊作貞俊今依
忠貞公墓誌作廷
俊

子良鑑

守太尉門下侍郎
平章事判尚書戶
部事諡文安熙寧
甲寅使宋圖太廟
太學而還與蘇東
坡有唱和詩
配西海郡大夫人崔
氏父尚書右僕射

子若溫

子義元